

ICE এর সাথে আপনার অধিকারগুলো জানুন

ICE (ইমিগ্রেশন ও কাস্টমস এনফোর্সমেন্ট) এর এজেন্টরা আপনার সাথে যোগাযোগ করলে, আপনার অধিকার রয়েছে!

ICE যদি আমার বাসায় আসে তাহলে আমি কী করতে পারি?

- ICE এর জন্য আপনাকে অবিলম্বে বাসার দরজা খুলতে হবে না এবং আপনাকে ICE এর সাথে কথা বলতে হবে না।
- আপনি **বন্ধ দরজার পেছন থেকে**, তারা কারা তা জিজ্ঞাসা করতে পারেন এবং জানালা বা দরজার ছোট ছিদ্র দিয়ে তাদেরকে তাদের ব্যাগ, আইডি বা ব্যবসায়িক কার্ড দেখানোর জন্য বা এগুলো বন্ধ দরজার নিচ দিয়ে দেওয়ার জন্য অনুরোধ করতে পারেন।
- তাদেরকে আপনি জিজ্ঞাসা করতে পারেন যে তাদের কাছে **বিচারিক পরোয়ানা** রয়েছে কি না:

যদি তারা **না** বলেন,
তাহলে তাদেরকে ভিতরে ঢুকতে দিতে হবে না। আপনি বলতে পারেন,

“আমি আপনার সাথে কথা
বলতে চাই না।”

যদি তারা **হ্যাঁ** বলেন,
তাহলে বিচারিক পরোয়ানা দরজার নিচ দিয়ে
দেওয়ার অনুরোধ আপনি করতে পারেন।
এটি বিচারিক পরোয়ানা কি না তা জানতে,
পরোয়ানাতে কে স্বাক্ষর করেছেন তা দেখুন।

বিচারিক পরোয়ানা হল আদালত থেকে
প্রেরিত একজন বিচারক কর্তৃক স্বাক্ষরিত
একটি পরোয়ানা। উদাহরণস্বরূপ,
বিচারকের স্বাক্ষরে “মাননীয়/সম্মানিত”
থাকতে পারে। এর সামনে “বিচারক”
“বিচারপতি” বা “ম্যাজিস্ট্রেট” থাকবে।

- জনসাধারণের সুরক্ষার জন্য হুমকিস্বরূপ বা কারোর জীবনের প্রতি হুমকি এমন জরুরি পরিস্থিতিতে, আপনার অনুমতি না নিয়েই ICE ভিতরে প্রবেশ করতে পারে। যদি এরকম হয়ে থাকে, আপনাকে তারপরেও ICE এর সাথে কথা বলতে হবে না।
- যদি ICE অন্য কারোর সন্ধান করে, **আপনার কথা বলার প্রয়োজন নেই**। যদি আপনি কথা বলতে চান, তাহলে আপনি ICE-কে যোগাযোগের তথ্য দেওয়ার অনুরোধ করতে পারেন। ব্যক্তি কোথায় অবস্থান করছেন সে সম্পর্কে ICE-কে আপনার জানাতে হবে না, ভুল তথ্য প্রদান করা আপনাকে ঝুঁকিতে ফেলতে পারে।

ICE যদি আমার বাসার ভিতরে আসে তাহলে আমি কী করতে পারি?

- যদি আপনার অনুমতি ব্যতীত ICE আপনার বাসায় প্রবেশ করে, আপনি তাদেরকে স্পষ্টভাবে বলতে পারেন: **“আমার বাসায় আপনার অবস্থানের সন্মতি আমি দিচ্ছি না। অনুগ্রহ করে চলে যান।”** এরকম বলা সবমসয় তাদের নাও খামাতে পারে, তবে তা ভবিষ্যতে কোনো মামলার ক্ষেত্রে সহায়তা করতে পারে।
- যদি ICE আপনার বাসার ঘর বা জিনিসসমূহের তল্লাশি শুরু করে, আপনি তাদের বলতে পারেন যে, **“আমি আপনার তল্লাশিতে সন্মতি দিচ্ছি না।”** যদি তারা সন্মতি ছাড়াই তল্লাশি চালিয়ে যান তবে আপনি **এই কথা বারবার** বলতে পারেন।
- যদি আপনার বাসায় **শিশু** বা **অন্যান্য দুর্বল বসবাসকারী** থাকেন, তাহলে তা আপনি তাদের বলতে পারেন।

আমাকে রাস্তায় বা প্রকাশ্যে ICE পথরোধ করলে আমি কী করতে পারি?

- আপনি কোনো কিছু বলার পূর্বে জিজ্ঞাসা করতে পারেন, **“আমি কি যেতে পারি?”**

যদি তারা **হ্যাঁ** বলেন: আপনি বলতে পারেন,

“আমি আপনার প্রশ্নের
উত্তর দিতে চাই না”

যদি তারা **না** বলেন: আপনি বলতে পারেন,

“আমি চুপ করে থাকতে
চাই।”

যদি ICE এজেন্ট আপনার পকেট বা জিনিসপত্র
তল্লাশি করার চেষ্টা করে, তাহলে আপনি বলতে পারেন যে,

“তল্লাশি করার জন্য আমি
সম্মত নই।”

তারপরেও যদি তারা আপনাকে তল্লাশি করে,
আপনি তাদের শারীরিকভাবে খামাতে পারবেন
না, তবে স্পষ্টভাবে বলা ভবিষ্যতের কোনো আইনি
মামলার ক্ষেত্রে গুরুত্বপূর্ণ হতে পারে।

ICE যদি আমার কর্মস্থলে আসে তাহলে আমি কী করতে পারি?

- ICE যেকোনো ধরনের কর্মস্থলের **সর্বজনীন স্থানে** কোনো ধরনের পরোয়ানা ব্যতীত প্রবেশ করতে পারে।
- **সর্বজনীন স্থানে** অন্তর্ভুক্ত থাকতে পারে: অফিসের লবি, সুপারমার্কেট, খুচরা বিক্রির দোকান বা রেস্টোরাতে খাওয়ার জন্য ব্যবহৃত জায়গা।
- আপনার **নিয়োগকারীর অনুমতি** বা **একটি বিচারিক পরোয়ানা** ব্যতীত একটি কর্মস্থলের **ব্যক্তিগত স্থানে** আইনগতভাবে ICE প্রবেশ করতে পারে না।
- **ব্যক্তিগত স্থান** হচ্ছে শুধুমাত্র কর্মচারীদের স্থান যেখানে বিশ্রাম নেওয়ার স্থান অথবা একটি কর্মক্ষেত্রের স্টোরেজ রুম অন্তর্ভুক্ত থাকতে পারে।
- **নিয়োগকারীরা** ICE-কে তাদের শনাক্তকরণ প্রদর্শনের জন্য বা তাদের কাছে কোনো বিচারিক পরোয়ানা আছে কি না তা জিজ্ঞাসা করতে পারেন।
- সকল সর্বজনীন স্থানগুলোর মতো, যদি ICE দ্বারা কর্মস্থলে যোগাযোগ করা হয়, তাহলে **আপনাকে তাদের প্রশ্নের উত্তর দিতে হবে না** এবং তাদেরকে আপনার নিয়োগকারীর সাথে কথা বলার জন্য বলতে পারেন।
- বরাবরের মতো, যদি ICE এজেন্ট আপনার পকেট বা জিনিসপত্র তল্লাশি করার চেষ্টা করে, তাহলে আপনি বলতে পারেন যে, **“আমি কোনো ধরনের অনুমতিতে সন্মতি প্রদান করি না।”** তারপরেও যদি তারা আপনাকে তল্লাশি করে, আপনি তাদের শারীরিকভাবে থামাতে পারবেন না, তবে আপনি সন্মতি দিচ্ছেন না তা স্পষ্টভাবে বলা ভবিষ্যতের কোনো আইনি মামলার ক্ষেত্রে গুরুত্বপূর্ণ হতে পারে।

যদি আমাকে আটক করা হয়?

- যদি আপনার **চিকিৎসা সংক্রান্ত সমস্যা** থাকে বা **আপনার শিশুর যত্নের ব্যবস্থা করা** দরকার তাহলে তা আপনি ICE-কে বলতে পারেন।
- ICE এজেন্টরা **আপনার স্থানীয় ভাষায় কথা নাও বলতে পারেন।** ICE এর সাথে যেকোনো কথাপকথন বা আপনাকে প্রদত্ত কোনো অ্যাপয়েন্টমেন্ট বা শুনানির জন্য আপনি **একজন দোভাষীর জন্য অনুরোধ** করতে পারেন।
- কোনো আইনজীবীর সাথে কথা বলার পূর্বে আপনাকে **কোনো নথিতে স্বাক্ষর করতে বা কোনো প্রশ্নের উত্তর দেওয়ার প্রয়োজন নেই।**
- একবার আটক করার পর, আপনার পরিবার, বন্ধু, কমিউনিটির নেতাবৃন্দ বা অ্যাটর্নিকে **ফোনে কল করার অধিকার** আপনার থাকবে।
- আটক থাকা অবস্থায়, আপনি আপনার পরিবার, বন্ধু, কমিউনিটির নেতাবৃন্দ এবং অ্যাটর্নিসহ **দর্শনার্থীদের সাথে সাক্ষাৎ** করতে পারবেন। মনে রাখবেন যে **প্রতিটি কারাগারের নিজস্ব নিয়ম রয়েছে** যা দর্শনার্থীদেরকে অবশ্যই আগে পর্যালোচনা করতে হবে।
- যদি আপনাকে আটক করা হয়, অফিসারদের সাথে হস্তক্ষেপ না করা সাপেক্ষে, **কমিউনিটির ব্যক্তিবর্গ ICE এর ফিল্ম রেকর্ড করতে পারে।** যদি ICE এজেন্টরা আপনার সাথে কথা বলতে বা গ্রেপ্তার করার চেষ্টা করে, ফিল্ম রেকর্ড শুরু করা বা চালিয়ে যাওয়া আপনাকে ঝুঁকির মধ্যে ফেলতে পারে।
- **আপনার গ্রেপ্তার সম্পর্কিত কোনো অডিও, ভিডিও অথবা লিখিত নোট** আপনার কাছ থেকে কিংবা আপনার গ্রেপ্তার দেখেছেন এমন কারো কাছ থেকে পাওয়ার পর, তা **আপনি আপনার অ্যাটর্নির সাথে শেয়ার করতে পারেন।**
- আরো তথ্যের জন্য, আপনি নিচের ওয়েবসাইটে যেতে পারেন: bit.ly/NYLAGICE

যদি আপনি বা আপনার কোনো প্রিয় ব্যক্তি বিতাড়নের ঝুঁকিতে থাকেন, তাহলে আপনি একটি পরিকল্পনা করতে পারেন।

- আপনি বিনামূল্যে এবং গোপনভাবে অভিবাসন আইনী পরামর্শ পেতে পারেন। অভিবাসী নিউ ইয়র্কবাসীর সোমবার থেকে শুক্রবার সকাল 9 থেকে সন্ধ্যা 6 টার মধ্যে **1-800-354-0365** নম্বরে **ActionNYC**-তে কল করতে পারেন বা 311 নম্বরে কল করতে পারেন এবং “ActionNYC” বলতে পারেন।
- আপনি একটি **জরুরি যোগাযোগ বেছে নিতে পারেন এবং তাদের ফোন নম্বর মুখস্থ করতে পারেন।** জরুরি যোগাযোগ হচ্ছে আপনার বিশ্বাসযোগ্য একজন ব্যক্তি – যিনি হতে পারেন একজন পরিবারের সদস্য, বন্ধু, কমিউনিটির নেতাবৃন্দ অথবা একজন আইনজীবী।
- আপনি **আপনার নথিগুলো সমন্বয় করতে পারেন** এবং সেগুলো এমন সুরক্ষিত স্থানে রাখতে পারেন যেখানে আপনার জরুরি পরিচিতিগুলো প্রবেশ করতে পারেন।
- আরো তথ্যের জন্য আপনি nyc.gov/KnowYourRights ওয়েবসাইটে যেতে পারেন

